

Oleh Nazri Abu Bakar
sukan@mediaprima.com.my

UMK tekad rebut pingat

Melaka: Universiti Malaysia Kelantan (UMK) berazam mencipta kejayaan bermakna sepanjang lima hari Kejujutan Pencak Silat Antarabangsa Piala Timbalan Perdana Menteri sehingga Sabtu ini di Dataran Pahlawan, Melaka Megamall Bandar Hilir.

Walaupun tampil kali pertama sejak tiga edisi kejujutan diperkenalkan, UMK yakin meraih pencapaian membanggakan.

Pengurus pasukan Maya Liana Hamzah berkata, saingan amat getir membabitkan 23 Institut Pengajian Tinggi (IPT) tempatan.

“Namun 25 atlet kami tekad memburu pingat diperandingkan. Kejayaan meraih satu gangsa pada temasya Majlis Sukan Malaysia (MASUM) baru-baru ini meningkatkan keyakinan kami,” katanya.

Beliau berkata, sandaran



15 - 20 SEPTEMBER 2013
DATARAN PAHLAWAN MELAKA

diletakkan kepada Mazida Nasuha Md Zin yang dilihat mampu mencipta kejutan.

IPT tempatan lain yang menyertai kejujutan itu adalah Universiti Sultan Zainal Abidin, Universiti Teknologi Malaysia (UTM), Universiti Malaysia Terengganu (UMT), Universiti Putra Malaysia (UPM), Politeknik Ibrahim Sultan (PIS), Kolej Komuniti Tawau Sabah, Uni-

versiti Sains Islam Malaysia (USIM), Universiti Malaysia Pahang (UMP), Universiti Teknologi Mara (UiTM), Politeknik Merlimau, Universiti Teknikal Malaysia Melaka (UTeM) dan

Universiti Pertahanan Nasional Malaysia.

Seramai 600 pesilat 49 kontinjen bakal merebut 198 pingat kategori tempatan dan antarabangsa.

Penyelaras Media Nurekmal Buhary berkata, pasukan antarabangsa yang bertanding adalah Somalia, Algeria, Bangladesh, Indonesia, Singapura, Thailand, Indonesia, Nigeria dan Vietnam.

Katanya, kejujutan anjuran bersama Kementerian Pengajian Tinggi (KPT) dan Universiti Tun Hussien Onn Malaysia (UTHM) itu antara usaha membentuk atlet untuk skuad negeri dan negara pada masa depan.

Sementara itu, dalam keputusan silat seni putera antarabangsa kategori ganda semalam, pesilat Malaysia A, Muhammad Hazri Zahid Kasimi muncul juara dengan 563 mata, solo kreatif pula dimenangi Erik Rukmana dari Indonesia, kedua pesilat negara Amiezan Syafiq Amran, dan Ahsanul Kaiser (Bangladesh) ketiga.

Manakala kategori jurus tunggal Erik Rukmana juga muncul juara diikuti peserta Malaysia A Muhamad Azamuddin Ahmad Shukri dan ketiga Muhd Iqbal Abdul Rahman (Singapura).

Pesilat wanita negara



DUA pesilat berentap dalam saingan Pencak Silat Antarabangsa.

Nurul Syahidah Hishamuddin mengungguli acara jurus tunggal puteri kategori antarabangsa mene-

waskan Nguyen Thi Huyen (Hanoi-Vietnam) dan Atitan Dimon Buyong (Thailand C).